

賜飲侍臣錄文武官及校書殿內豎等見直者奏之。十六日壬辰天皇御前殿賜宴群臣賜文武官爵
略○下

〔三代實錄陽成三十六〕元慶三年十一月丙辰朔旦冬至右大臣已下參議已上抗表賀曰略○中於宜陽殿西

廂賜親王已下次侍從已上飲非侍從四位五位及未得解由五位已上國宰被喚預席宴竟賜祿各有
差。廿五日庚辰詔曰略○中天皇御紫宸殿宴于百官大歌五節舞並如常賜祿各有差。

〔菅家文草表十〕為公卿賀朔旦冬至表

臣基經等言臣聞潛鱗游泳樂春水於和風稚羽來賓拂曉雲於秋月彼微情之二物猶感奉天況在位
之群臣誰忘欽化臣某等誠歡誠喜頓首頓首死罪死罪夫三衆知程四騶得道斯乃寒溫之平也雙離
合璧五緯連珠斯乃聖哲之事也臣等謹案曆曰十一月丙辰朔旦冬至稽之舊章理誠宜賀伏惟皇帝
陛下欽若無掩昇惟馨於昊天敬授不偷襲其臬於黎庶蓋古先帝之所希有舊史氏之所罕言陛下得
之明德至矣猗歟日則南至陛下向陽之美可觀星惟北共臣等詣闕之誠何切聖壽無疆明時有瑞不
勝抃舞拜表以聞臣某等誠歡誠喜頓首頓首死罪死罪謹言。

元慶三年十一月一日朝○又見本
文粹四

〔扶桑略記二十三裏書〕寬平十年十一月一日丙申朔旦冬至也。

〔日本紀略醍醐〕昌泰元年十一月一日丙申朔旦冬至諸卿上賀表但天皇不御南殿。廿一日丙辰詔

免徒罪以下依朔旦冬至也。

〔扶桑略記二十三裏書〕延喜十七年二月廿日己亥兵衛志多治有行與曆博士等論可元朔旦之由。

十一月一日丙子朔旦冬至也。

〔日本紀略醍醐〕延喜十七年十一月一日丙子天皇御南殿受朔旦冬至之表。

〔日本紀略朱雀〕承平六年十一月一日丙戌去延喜十七年十一月朔旦冬至之後今年當一章十九年。